

Korelacija nastavnih predmeta kroz filmsku umjetnost

28. decembra 2024. godine sam sa svojim kolegicama i učenicima na interesantan način obilježila Međunarodni dan filma. Aktivnosti koje smo proveli u našoj učionici su bile uspješne, ali su iznjedrile i nove ideje.



28. decembar se obilježava kao međunarodni dan filma. To je odlična prilika za korelaciju između historije i bosanskog jezika i književnosti u IX razredu. Obzirom da ja u IX razredu poučavam oba predmeta, osmislila sam aktivnost i pozvala nastavnicu engleskog jezika i njen VI razred da nam se pridruže. Učenici IX razreda su na časovima slobodnih aktivnosti pripremali eksponate za izložbu. Izradili su velike filmske trake sa slikama nekih zanimljivih filmskih scena od prvih, crno-bijelih, filmova do savremenih. Od starijih članova porodice su nabavili staru filmsku kameru, filmsku traku, izradili klapu, a na Dan filma stigle su i slasne kokice. Dan filma obilježen je projekcijom filma "Noć u muzeju" na koju su pozvali drugare iz VI razreda i nastavnicu engleskog jezika. Za njih su čak izradili i kino-ulaznice što je šestake posebno obradovalo. Projekciji filma su prethodili zadaci iz bosanskog jezika i književnosti, historije i engleskog jezika. Zadaci za bosanski jezik bili su usmjereni na opće informacije o filmskoj kulturi, karakterizaciju likova i poruke koje film nosi. Zadaci za historiju bili su prepoznavanje historijskih ličnosti među oživjelim muzejskim eksponatima, uočavanje veza među njima i da li su te veze moguće u stvarnoj prošlosti. Djeca su

film pratila bez prijevoda, titl je bio na engleskom jeziku, te su zadaci za engleski jezik bili usmjereni na vokabular. Dvočas bosanskog jezika, čas historije i čas engleskog jezika je protekao u opuštеноj atmosferi i sa mnogo smijeha.

Iz ove interesantne aktivnosti proizašle su i nove ideje za neku narednu priliku. Bilo bi lijepo uključiti nastavnika likovne kulture koji bi mogao sa djecom raditi filmski plakat, nastavnika muzičke kulture koji bi svoje zadatke usmjerio na muziku u filmu i na to kako ona prati priču, zatim nastavnika informatike sa kojim djeca mogla i da naprave kratki film i iskušaju se u filmskim tehnikama i montaži.



Tags

Aktivnosti sa učenicima

Umjetnost i nauka

Collections

Učenje otkrivanjem

Objava